



1623_600_2.jpg



1623_134.jpg



134. M. D. C. XXIII.
que le lendemain apres l'execution viendroient
trois cents payfans de la Veene à la Haye, & y
seroient amenez par les Maires & Greffiers de
posez, des villages: que ledit Corenvinder au-
roit pareillement dit à son frere, que l'argent
qui seroit employé pour le susdit dessein seroit
restitué & leué par collectes.

TOUTES ces menées estans de tres-mes-
chante & horrible consequence, tendant à la
perturbation de l'Estat & au peril d'une estran-
ge effusion de sang, & partant dignes de puni-
tion exemplaire.


LA SUSDITE Cour apres meure delibe-
ration du Conseil, ayant veu & pezé le tout ce
qui estoit requis en ce cas, Faisant droict au
nom & pour la Souueraine Magistrature des
Comtez de Hollande, Zelande & Frize, A de-
claré & declare par les presentes le susdit pri-
sonnier atteint & conuaincu du crime de lèze
Majesté: Le condamne a estre mené au lieu
accoustumé des executions de Iustice, & là a-
uoir la teste trenchee: declare tous ses biens
confisquez.

Fait à la Haye par Maistre Nicolas Crom-
holt President, Pierre Couvembourch de Bel-
loys, Henry Rosa, Gelain Alleman, Guillaume
de Bachdorp, André de Vith, René de Per-
sin, Iean Oom de VVingaerden, Iean Soe-
nyeus, Iean Dedel, & Abraham vander Meers,
Tous Conseillers de Hollande: Et prononcé
le vingtneufiesme de Mars mil six cents vingt
& trois.

Signé.

F. Crip.

1623_135.jpg



Histoire de nostre temps.


135

Arrest contre David Corenvinder, du vingt-neufiesme Mars 1623.


DAVID Corenvinder, cy-deuant Gref-
sier de Berckel, à present prisonnier, hors des
tourments de la gehenne & des fers; A confessé
deuant la Cour de Hollande, qu'environ six
mois apres l'execution de l'Aduocat Iean de
Barneuel, luy auroit esté faict ouuerture par
Guillaume de Barneuel sieur de Stoutenburg,
qu'il y auoit bonne esperâce, que quelques vil-
les changeroient l'Estat & Gouvernement pre-
sent: & que de temps en temps ils auroient en-
cor tenu semblables propos par ensemble avec
René de Barnevelt sieur de Groenevelt, frere
dudit Guillaume de Barneuel: Qu'en l'an 1621.
en Autõne il seroit allé avec ledit Stoutenburg
à Leyden, pour luy môstrer la demeure de Ber-
nard Duniglo, autrefois Ministre audit lieu, a-
vec lequel ledit Stoutenburg, auroit eu inten-
tion de parler des moyens des Remõstrants de
Leydē, & de l'Estat de leurs affaires, pour ache-
miner le changement au gouvernement de l'E-
stat: que suiuant ce dessein, ledit Stoutenburg
seroit allé seul avec ledit Duniglo en vne cham-
bre, & là auroit parlé quelque temps à luy. Que
depuis ledit Duniglo auroit escrit au prison-
nier susdit, Que les affaires estoient amenees à
ce poinct à Hatervoude, & enuiron entre les
payfans en l'an 1621. qu'il en fust bien venu trois
au quatre cents à Leyden, ou deuant la ville. Et
que le bruiet en estoit si grand, qu'il sembloit
audit Duniglo, qu'il viendroit à la cognossance
du Magistrat. Qu'un Vendredy deuxiesme de

I iiij


1623_136.jpg




1623_137.jpg




1623_138.jpg




1623_139.jpg



1623_140.jpg



1623_141.jpg



1623_142.jpg




Image issue du site mercurefrancois.ehess.fr - Cliché (c) Cécile Soudan